

# AN DURZUNELL

Ar zôn-mûn a zo bet kanet ha diskanet gwechall e kement pardon, foar  
ha marc'had a oa e Breiz-Izel: an ton a zo aes da zeski ha kaer kenan.

Kalz am - zer am eus kol - let, Ti ra  
 di lan ti ra, da la la la la, Kalz  
 am - zer am eus kol - let o fur-chal ar c'hoa-  
 jou, O fur-chal ar c'hoa - jou.

Kalz amzer am eus kollet  
 O furchal ar c'hoajou  
 'Vit surpren an durzunell  
 Kousket war ar brankou.  
 Skoaziet em eus va fusul,  
 Met iennet em eus fall,  
 Tec'het eo an durzunell,  
 Ha gwelet ar c'hoad all.

Dionz an noz hag ar mintin  
 Me glev al laboused  
 O kana, o f edoni,  
 Da veg ar gwez rignet,  
 Ha n'eus nikun anezo  
 A bikte va c'halon  
 Evel mouez an durzunell  
 O ouela d'he mignon.

Hirvoudi ra noz ha dez  
 Gand ar boan, an anken,  
 'Vel eur troc'h-kaez intañvez  
 Kolllet ganti he den.  
 Hekleob he mouez klemmus  
 A red dre ar c'hoajou,  
 A zo meurbed poanuis  
 D'an holl labousedou.

Melezour sklaer ha gwirion  
 Eus ar wir garantez,  
 Ha ne gaver e kalon  
 Ar yaouankiz direiz.  
 — Nann, nann: ne varvin laouen,  
 Ma ne varvan fidel.  
 Ha biken ne zizonjin  
 Maro an durzunell.

— Petra, turzunell yaouank,  
 A dourmant da galon?  
 — Kollet em eus, emezi,  
 Va fidela mignon!  
 Ma na deu ar chaseour  
 D'ober d'in-me mervel  
 Me varvo gand ar c'hlae'har  
 Da va mignon fidel.

N'eus na louzou, na souten,  
 Na frealzidigez  
 Gouest da barea souden  
 Gouli va c'harantez.  
 'Trec'het oun gand ar c'hlae'har ;  
 Mont a ran da vervel,  
 Met ne varvin ket kountant  
 Ma ne varvan fidel. »

Gwelet em eus o vervel  
 An durzunell yaouank  
 Dizec'het piz he c'halon  
 Gand ar boan, an tourmant.  
 En he huanad diweza  
 He deuz c'hoaz lavaret :  
 « Kenavo, mignon fidel ! »  
 Raktal eo tremenet !

Daslumez gant PAOTR TREOURÉ.